

Fa'asalalauaga mo le Palota

PEPA FA'ATA'AMILO 2018/2019-17

SUI TAUVA E SAILI AI SE SUI O LE AUFAGALUEGA A LE MALO MO LE KOMITI O TALOSAGA & ASO E FAI AI LE FAIGA PALOTA

I le Aso Lulu 31 Oketopa 2018 i le itula e 4.00pm i le afiafi, sa tapunia aloa'ia ai le tu'uina mai o Pepa o Filifiliga & Tautinoga mo Sui Fa'atutu mo le Faiga Palota, e filifilia ai se Sui o le Komiti o Talosaga a le Aufaigaluega o Galuega a le Malo (Member of the Public Service Board of Appeal). E to'alima (5) Sui Fa'atutu sa tu'uina mai Pepa o Filifiliga. E tusa ai ma le iloiloga, o i latou nei ua faamaonia e le Komisi i lana Fonotaga o le Aso 06 Novema 2018, ua faamalieina aiaiga ma agava'a e avea ma Sui Tauva;

1. **MA'IMA'I, Rousianna, Principal Officer** (Matagaluega o Fesootaiga Faatekonolosi/ MCIT);
2. **SEUPULE, Mamea Ulafala, Principal Officer** (Matagaluega o le Palemia ma Kapeneta / MPMC);
3. **TAUTAU, Faauluuluga Papāli'i, Principal Officer** (Matagaluega o Punaoa Faalenatura ma Siosiomaga/MNRE);

Ina ia tusa ai ma le Vaega 63 o Tulafono Fa'atonutonu o Galuega 2008, ua tataua nei ona faia se Faiga Palota a le Aufaigaluega Tumau a le Malo, e sailia ai se Sui o le Komiti o Talosaga mo le isi tolu (3) tausaga o lumanai, 2018-2021. O lenei Faiga Palota o le a tauva ai i latou ua fa'ailoa atu o latou suafa i luga.

Ua fa'amaonia e le Komisi o Galuega a le Malo le Aso faigaluega, Aso Lulu 21 Novema 2018, e fa'atino ai lenei Faiga Palota. E fa'asilasila aloa'ia atu ai i le Aufaigaluega Tumau (Permanent Staff) uma o Matagaluega ma Ofisa a le Malo, o le a faia le Faiga Palota mo le Aufaigaluega i Upolu i nofo'aga nei:

1. **Potu Fono a le Komisi o Galuega, Fogafale 2 (Level 2), Maota Faumuina Mataafa Mulinuu II ma le;**
2. **Fogafale 1 (Ground Floor), Maota o Tui Atua Tupua Tamasese Efi (TATTE).**

Mo le Aufaigaluega Tumau a Matagaluega ma Ofisa a le Malo o lo'o alala ma galulue i Salafai, o le a faia le Faiga Palota i le:

1. **Afolau, o le Matagaluega o Tina ma Tamaitai, Atina'e o Nu'u ma Afioaga & Aga fesootai i Salelologa.**

O le a tatalaina fale palota uma mai i le itula e **10.00am i le taeao**, ae tapunia i le itula e **4.00pm i le afiafi**. E faamanatu atu, ua na o le Aufaigaluega Tumau (Permanent) a Matagaluega ma Ofisa o lo'o i lalo o le faamalumaluga a le Ofisa o le Komisi o Galuega e agava'a e palota.

E talosagaina ma le agaga maualalo le fesoasoani a Ofisa Sili Lagolago o Auaunaga Lautele a Matagaluega (ACEO Corporate Services) ma Ofisa a lo tatou Malo, e tauala atu i ā outou Afioaga i Fa'auluuluga ma Ofisa Sili o Pulega, ina ia logologo puialii le mamalu o le Aufaigaluega Tumau i lenei fa'amoemoe, ma momoli ane i nofo'aga ua taua i luga i le Aso o le faiga palota i itula ua atofaina fa'amolemole.

Mo nisi fa'afesili i lenei mataupu, fa'afeso'otai mai le Ofisa Fai Palota i le Ofisa o le Komisi o Galuega a le Malo.

Ma le fa'aaloalo tele.

Komisi o Galuega